

ՀՀ ԱՐՄԱՎԻՐԻ ՄԱՐԶԻ ԲԱՄԲԱԿԱՇԱՏ ԳՅՈՒՂԱԿԱՆ

ՀԱՄԱՅՆՔԻ ՀԱՄԱՅՆՔԱՊԵՏ Ա.ԵՂԻԱԶԱՐՅԱՆ

2018Թ. ՏԱՐԵԿԱՆ ՀԱՇՎԵՏՎՈՒԹՅՈՒՆ

Մասնակցությամբ՝ ՀՀ Արմավիրի մարզպետարանի ՀԳՄՏՎ վարչության ՀԳՄՏՎ բաժնի գլխավոր մասնագետ՝ Գայանե Սուքիասյանի, համայնքի ավագանու և համայնքի 53 բնակիչների.

08.01.2018 - 28.12.2018թ.թ.

Հայաստանի Հանրապետության Արմավիրի մարզի Բամբակաշատ գյուղական համայնքի համայնքապետը, ղեկավարվելով Հայաստանի Հանրապետության Սահմանադրությամբ, նրանից բխող օրենսդրական, ենթօրենսդրական ակտերով, <<Տեղական ինքնակառավարման մասին>>, <<Իրավական ակտերի մասին>> ՀՀ օրենքով, համայնքի ղեկավարի աշխատակազմի, ավագանու և համայնքապետարանի ենթակայության տակ գտնվող հիմնարկների աշխատակիցների միջոցով, իրականացրել է իրեն վերապահված իրավասությունների շրջանակներում՝ իր լիազորությունները:

2018թ-ին համայնքապետարանի աշխատանքային ծրագրերի հիմքում, դրված են եղել համայնքի սոցիալ-տնտեսական զարգացման գերակա ուղղությունները:

Հիմնական նպատակը՝ համայնքի բնակչության կենսամակարդակի բարձրացումն է, որին հասնելու ճանապարհին սահմանվել են կարևորագույն սոցիալ-տնտեսական խնդիրները, որոնք լուծվել են 2018թ-ին:

2018 թվականի օգոստոսի 10-ի կարկտահարությունից 100%-ով վնասվել էր համայնքի բնակիչների այգիներն ու ցանքատարածությունները, որի պատճառով բնակիչների սոցիալ-տնտեսական վիճակն ավելի վատթարացավ և հողի հարկի հավաքագրում չիրականացվեց:

Այդ խնդիրների լուծման համար կարևորագույն պայման է հանդիսացել Արմավիրի մարզպետի, մարզպետարանի աշխատակազմի և համայնքի ավագանու ամենօրյա հոգատար վերաբերմունքը և համայնքի խնդիրների լուծմանն աջակից լինելու պատրաստակամությունը, որի արդյունքում արձանագրվել է որոշակի հաջողություններ, որոնք ըստ բնագավառների ներկայացնում ենք Ձեզ:

ԳՅՈՒՂԱՏՆՏԵՍՈՒԹՅԱՆ ԵՎ ԲՆԱՊԱՀՊԱՆՈՒԹՅԱՆ

ԲՆԱԳԱՎԱՌ

Համայնքապետը աջակցում է համայնքի բնակչությանը գյուղատնտեսական աշխատանքների իրականացման հարցում, ինչպես նաև գյուղմթերքների իրացմանը:

Համայնքը հիմնականում զբաղվում է հողագործությամբ և անասնապահությամբ: Համայնքի հիմնական խնդիրը ոռոգման ջրի մատակարարումն է, ինչպես նաև անասնազվաքանակի հաշվառումը, որոնց ուղղությամբ էլ տարվում են հետևողական աշխատանքներ:

Համայնքը ունի 602հա. գյուղնպատակային նշանակության հողատարածքներ, որտեղ առկա են նաև չմշակվող հողեր: Չմշակվելու պատճառներն են.

1.Հողասեփականատերերի բացակայությունը համայնքից

2.Անվճարունակությունը և այլն

Ուշադրության կենտրոնում է պահվում աճեցրած բերքի իրացման աշխատանքներին, գյուղատնտեսական մշակաբույսերի վնասատուների դեմ պայքարի աշխատանքներին և պարբերաբար կատարվում է ներտնտեսային ոռոգման ցանցի մաքրման աշխատանքները:

Մարզպետարանից համայնքին հատկացվել է 1.6 տոննա կալիական և 1.2 տոննա ֆոսֆորական սիլիտրա:

Անմիջական հսկողություն է իրականացվում անասնաբուժական ծառայության գործում՝ ժամանակին կատարվում է բոլոր հակահամաճարակային միջոցառումները,կենդանիների հիվանդությունների կանխարգելման ուղղությամբ:Կենդանիների շրջանում չի հայտնաբերվել ոչ մի տեսակի հիվանդություն:

Հետևողական և սիստեմատիկ հսկողություն է սահմանվում հանձնաժողովի կողմից առևտրի,հասարակական սննդի և կենցաղային ծառայությունների ոլորտում գործող օբյեկտների գործողության վրա:Ներկայումս համայնքում գործում է 7 առևտրի ծառայության օբյեկտներ:

ՀՈՂԱՇԻՆՈՒԹՅԱՆ ԵՎ ՀՈՂՕԳՏԱԳՈՐԾՄԱՆ

ԲՆԱԳԱՎԱՌ

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման ,ինչպես նաև ընդերքօգտագործման վրա:

Ամենօրյա աշխատանք է տարվում հողօգտագործողների հետ հողի հարկի,գույքահարկի գծով գոյացած ապառքներ հավաքագրման ուղղությամբ:

ՔԱՂԱՔԱՇԻՆՈՒԹՅԱՆ ԵՎ ԿՈՄՈՒՆԱԼ ՏՆՏԵՍՈՒԹՅԱՆ

ԲՆԱԳԱՎԱՌ

Կառավարության սահմանված կարգով վերահսկողություն է իրականացվում համայնքի քաղաքաշինական գործունեության նկատմամբ:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքներ,տրվել են ճշտված իրավիճակային հատակագծեր:

Համայնքում աղբահանությունը կատարվում է ամբողջ տարվա ընթացքում:

ՄՇԱԿՈՒՅԹԻ ԵՎ ԵՐԻՏԱՍԱՐԴՆՈՒԹՅԱՆ ԿՐԹՈՒԹՅԱՆ,

ԱՌՈՂՋԱՊԱՀՈՒԹՅԱՆ, ՍՊՈՐՏԻ, ՍՈՑԻԱԼԱԿԱՆ

ԾԱՌԱՅՈՒԹՅԱՆ ԲՆԱԳԱՎԱՌ

Համայնքում գործում է 1 միջնակարգ դպրոց:

Աշակերտների թիվը 383

Աշխատողների թիվը 51, որից՝ ուսուցիչներ՝ 40

Համայնքապետարանի ուշադրության կենտրոնում է դպրոցը: Կրթության որակը գտնվում է բարձր մակարդակի վրա: 2018 թվականին Բամբակաշատի մանկապարտեզ հաճախել են 73 երեխա: Համայնքապետարանի նախաձեռնությամբ կազմակերպվել է տարբեր միջոցառումներ՝ մարտի 8-ի, մայիսի 9-ի, մայիսի 28-ի, վերջին զանգի, բերքի տոնի և ամանորի միջոցառումներ:

Մեծ ուշադրություն է դարձվում թոշակառուների և երիտասարդության հետ տարվող աշխատանքներին՝ նրանց հանգիստը նորմալ կազմակերպելու նպատակով:

Ուշադրության կենտրոնում է գտնվում ֆիզիկական կուլտուրայի և սպորտի զարգացումը:

Համայնքապետի ամենօրյա ուշադրության կենտրոնում է նաև առողջապահության ոլորտը: Աջակցում է սանիտարահիգիենիկ վիճակի բարելավմանը, հակահամաճարակային միջոցառումների իրականացմանը: Վերահսկում է առողջապահական հիմնարկի աշխատանքները:

Համայնքում գործում է «Խնամակալության և հոգեբարձության» հանձնաժողով, որի հիմնական խնդիրը թափառաշրջիկ, անօթևան երեխաների հայտնաբերումն ու դաստիարակումն է: Ի ուրախություն մեզ համայնքում նման երեխաներ չկան: Ուշադրության կենտրոնում է գտնվում սոցիալապես անապահով ընտանիքները, որոնց տրվել է ֆինանսական օգնություն:

Համայնքում հաշվառված են թոշակառուներ՝ այդ թվում 420 ծերության, 5 աշխատանքային, 20 հաշվանդամության: Նպաստառու ընտանիքների թիվը կազմում է 73:

Թոշակները և նպաստները տրվում են ժամանակին:

Համայնքում բարձր է պատասխանատվությունը գորակոչիկների նկատմամբ: Զորակոչից խուսափողներ չկան:

2018 թվականի ընթացքում համայնքում ծնվել է 37 երեխա, մահացածների թիվը՝ 34:

ՖԻՆԱՆՍԱԿԱՆ ԲՆԱԳԱՎԱՌ

Սահմանված կարգով կազմակերպվել է գույքահարկի և հողի հարկի գանձումները: Գույքահարկի գանձումը տարեկան կտրվածքով նախատեսվել է 8986.8 հազար դրամ, փաստացի գանձվել է 6025.6 հազար դրամ, որը կազմում է 67.0 % : Տարեկան հողի հարկը նախատեսվել է

15964.4 հազար դրամ, գանձվել է 2692.9 հազար դրամ, որը կազմում 16.9 %: Պլանով նախատեսված այլ եկամուտները 600.0 հազար դրամ, փաստացի գանձվել է 160.3 հազար դրամ, որը կազմում է 26.7 % համայնքի սեփ. հանդիսացող հողի վարձակալություն 700.0 հազար դրամ , փաստացի գանձվել է 662.0 հազար դրամ ,որը կազմում է 97.6 %: Տեղական տուրքեր նախատեսվել է 320.0 հազար դրամ , փաստացի գանձվել է 322.5 հազար դրամ, որը կազմում է 100.8%: Պետության կողմից ստացված դոտացիան տրամադրվել է ամբողջությամբ:

ՀԱՄԱՅՆՔԻ ՀԻՄՆԱԽՆԴԻՐՆԵՐԸ

Չնայած, համայնքի բյուջեով նախատեսված է սոցիալ-տնտեսական զարգացման և որոշ ուղղություններով իրականացված միջոցառումներ, սակայն կան հիմնախնդիրներ ,որոնց լուծումը հնարավոր չէ իրականացնել միայն համայնքի միջոցներով:

ԱՌԱՋՆԱՅԻՆ ԵՎ ՀԱՄԱՅՆՔԻ ՀԱՄԱՐ ԳԼԽԱՎՈՐ

ԽՆԴԻՐՆԵՐԻՑ Է

1. Ոռոգման ներտնտեսային ցանցը շուրջ 10 կմ տարածքով վերակառուցման անհրաժեշտություն ունի,
2. Խմելու ջրագիծը, որը կառուցվել է 1961 թվականին, վաղուց հիմնովին վերանորոգելու կարիք ունի,
3. Համայնքապետարանի շենքի հիմնովին վերանորոգում:
4. Մանկապարտեզի շենքի 1-ին հարկի կապիտալ վերանորոգում:

«Քաղաքացիների առաջարկությունների ,դիմումների և բողոքների քննարկման կարգի մասին» ՀՀ օրենքի 7-րդ հոդվածի պահանջի համաձայն, Բամբակաշատի համայնքապետարանը տարվա ընթացքում ստացել է 54 դիմում:

Դիմումներում բարձրացվել են սոցիալական, ֆինանսական ,հողային, շինարարության և այլ բնույթի հարցեր, որոնք սահմանված կարգով քննարկվել են և տրվել են պատշաճ լուծումներ:

Ընթացիք ժամանակահատվածում համայնքապետարանում ստացվել են 476 գրություն ,հղվել է 249 պաշտոնական գրություն:Քաղաքացիներին տրվել է 1145 տեղեկանքներ: Տրվել է համայնքի ղեկավարի 9 կարգադրություն և կայացվել է համայնքի ղեկավարի 109 որոշում:

2018թ. ընթացքում համայնքապետարանի աշխատակիցների փաստացի թվաքանակը կազմել է 16 մարդ, որից 6-ը համայնքային ծառայողներ են:

2018 թ. դրությամբ աշխատավարձի և սոց. Վճարումների պարտքեր չկան:

2018 թ. ընթացքում համայնքի ավագանին գումարել է 6 նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր ,և կայացվել որոշումներ: